

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը՝ ԳԲՔԱ-ԼՕ-2021/56

Բողոքի ներկայացման ամսաթիվը՝ 25.06.2021թ.

Շտկված բողոքի ամսաթիվը՝ 29.06.2021թ.

Բողոք բերող անձ՝ «Տեքստուրլը» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ-ԲՄԱՊՁԲ-21-7/8» բաց մրցույթ

Գնման առարկան՝ քնապարկերի, վրանների ձեռքբերում

Բողոքի պահանջը՝ պարտավորեցնել «ՀՀ ՊՆ-ԲՄԱՊՁԲ-21-7/8» ծածկագրով բաց մրցույթի գնահատող հանձնաժողովին՝

1. դադարեցնել «Տեքստուրլը» ՍՊԸ-ի հայտը մերժելու մասին որոշումը,
2. դադարեցնել պայմանգիր կնքելու մասին որոշումը 3-րդ չափաբաժնի մասով,
3. 18.06.2021թ.-ին հրապարակված արձանագրության հիման վրա «Տեքստուրլը» ՍՊԸ-

ից Կարգի 41-րդ կետով սահմանված կարգով պահանջել կատարել շտկում:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ գնումների հետ կապված բողոքներ քննող անձ
պարոն Լ.Օհանյանին**

Բողոք բերող՝ «Տեքստուրլդ» ՍՊԸ-ից (տնօրեն Լ.Հարոյան)
Հասցե՝ ՀՀ, ք. Երևան, Ուլենցու 66
Հեռ.՝ +374-10-74-81-18,
Էլ.փոստ՝ texworld@mail.ru

Պատվիրատու՝ ՀՀ պաշտպանության նախարարություն
Հասցե՝ ՀՀ, Բազրևանդի 5

Գնման ընթացակարգի ծածկագիրը և առարկան՝
ՀՀ ՊՆ կարիքների համար՝ քնապարկերի, վրանների ձեռքբերման նպատակով
հայտարարված «ՀՀ ՊՆ-ԲՄԱՊՁԲ-21-7/8» ծածկագրով բաց մրցույթ

ԲՈՂՈՔ

(շտկված)

• Բողոքի նախապատմությունը և փաստերը

✓ ՀՀ պաշտպանության նախարարության կարիքների համար՝ քնապարկերի, վրանների ձեռքբերման նպատակով հայտարարվել է «ՀՀ ՊՆ-ԲՄԱՊՁԲ-21-7/8» ծածկագրով բաց մրցույթ/այսուհետև նաև՝ Ընթացակարգ/:

✓ Հայտերի բացման ժամկետ է սահմանվել՝ 2021թ. մայիսի 27-ին, ժամը 11:00-ին:

✓ Ընթացակարգին մասնակցելու նպատակով հայտ է ներկայացրել նաև «Տեքստուրլդ» ՍՊԸ-ն:

✓ www.gnumner.am համացանցային կայքում հայտերի բացման, ինչպես նաև հայտերի գնահատման արձանագրությունները հրապարակվել են միայն 18.06.2021թ.(հայտերի բացումից հետո գրեթե մեկ ամիս անց) :

✓ Ընկերությանը 07.06.2021թ. ուղարկվել է էլեկտրոնային նամակ, որում ազատ ոճով նշվել է հետևյալը.

«Հայտնում ենք Ձեզ, որ ՀՀ ՊՆ կարիքների համար անհրաժեշտ ապրանքների ձեռքբերման նպատակով հայտարարված «ՀՀ ՊՆ-ԲՄԱՊՁԲ-21-7/8» ծածկագրով ընթացակարգին Ձեր կողմից ներկայացված հայտում առկա են անհամապատասխանություններ, մասնավորապես՝

- Հավելված 1.1-ի 3-րդ չափաբաժնի տեխնիկական բնութագրում նշված է «Արտադրված է՝ համաձայն 8789-008-62963111-2010 տեխնիկական պայմանի կամ ոչ պակաս համարժեք», «Վրանի ներքին պաստառը (նամյոտը) արտադրված է՝ համաձայն 29298-2005 GOUS-ի, մարմնահագի և անկողնային սպիտակեղենի համար օգտագործվող գործվածքից (սպիտակ բյազից (արտիկուլ 224 կամ համարժեք)), մակերեսային խտությունը՝ 138-150գր/մ2 կամ համարժեք», «Վրանի կախովի տաքացնող պատերը արտադրված են հրակայուն նյութով ներծծմամբ կոշտ ֆլանելի գործվածքից (արտիկուլ 6746 կամ համարժեք), մակերեսային խտությունը՝ 300գր/մ2 կամ համարժեք»: Ձեր կողմից պետք է ներկայացվի կամ հրավերի տեխնիկական բնութագրով սահմանված պահանջը կամ այլ պահանջ, առանց կամ համարժեքի:

Բացի այդ, Ձեր կողմից չի նշվել՝ Արտաքին տեսքը պարբերության մեջ ներառված «Դռներից մեկի կողային եզրին մշակված են 4 հատ արհեստական մանրաթելից գործված օղակներ, իսկ մյուսի եզրին՝ զրեթե վերջամասում 4 հատ կոճգամներ, դռները ամրացնելու համար» դրույթը:

Ելնելով վերոգրյալից և հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը՝ գնահատող հանձնաժողովը մեկ աշխատանքային օրով կասեցրել է հայտերի գնահատման նիստը:

Անհրաժեշտ է սույն ծանուցումը ստանալուց հետո սահմանված կարգով մեկ աշխատանքային օրվա ընթացքում շտկել անհամապատասխանությունները:

Շտկված տարբերակը անհրաժեշտ է ուղարկել Էլ.փոստ՝ a.grigoryan@mil.am հասցեով:»

✓ Ընթացակարգի գնահատող հանձնաժողովի կողմից մինչև 18.06.2021թ. որևէ արձանագրություն չի հրապարակվել gnumner.am համացանցային հայքում:

✓ Ընթացակարգի գնահատող հանձնաժողովի 18.06.2021թ. կայքում հրապարակված 07.06.2021թ. արձանագրության 2.3 կետի համաձայն.

«Տեքստուրլը» ՍՊԸ-ի հայտով ներկայացրած փաստաթղթերում առկա են անհամապատասխանություններ, մասնավորապես՝ - Հավելված 1.1-ի 3-րդ չափաբաժնի տեխնիկական բնութագրում նշված է «Արտադրված է՝ համաձայն 8789-008-62963111-2010 տեխնիկական պայմանի կամ ոչ պակաս համարժեք», «Վրանի ներքին պաստառը (նամյոտը) արտադրված է՝ համաձայն 29298-2005 GOUS-ի, մարմնահագի և անկողնային սպիտակեղենի համար օգտագործվող գործվածքից (սպիտակ բյազից (արտիկուլ 224 կամ համարժեք)), մակերեսային խտությունը՝ 138-150գր/մ2 կամ համարժեք», «Վրանի կախովի տաքացնող պատերը արտադրված են հրակայուն նյութով ներծծմամբ կոշտ ֆլանելի գործվածքից

(արտիկուլ 6746 կամ համարժեք), մակերեսային խտությունը՝ 300գր/մ2 կամ համարժեք»։ Մասնակցի կողմից պետք է ներկայացվի կամ հրավերի տեխնիկական բնութագրով սահմանված պահանջը կամ այլ պահանջ, առանց կամ համարժեքի։

Բացի այդ, «Տեքստուրլը» ՄՊԸ-ի կողմից չի նշվել՝ Արտաքին տեսքը պարբերության մեջ ներառված «Դռներից մեկի կողային եզրին մշակված են 4 հատ արհեստական մանրաթելից գործված օղակներ, իսկ մյուսի եզրին՝ զրեթե վերջամասում 4 հատ կոճգամներ, դռները ամրացնելու համար» դրույթը։

Նույն արձանագրության համաձայն՝ «Տեքստուրլը» ՄՊԸ-ն սահմանված ժամկետում ներկայցրել է պահանջվող Հավելված 1.1-ը։ Հավելված 1.1-ի 3-րդ չափաբաժնի տեխնիկական բնութագրում նշված է «Վրանի կախովի տաքացնող պատերը արտադրված են հրակայուն նյութով ներծծմամբ կոշտ ֆլանելի գործվածքից (արտիկուլ 6746 կամ համարժեք), մակերեսային խտությունը՝ 300գր/մ2 կամ համարժեք»։ «Տեքստուրլը» ՄՊԸ-ի կողմից պետք է ներկայացվեր կամ հրավերի տեխնիկական բնութագրով սահմանված արտիկուլ 6746 կամ այլ արտիկուլ, առանց կամ համարժեքի, սակայն մասնակցի կողմից ներկայացված շտկված տեխնիկական բնութագրից ընդհանրապես հանվել է «արտիկուլ 6746 կամ համարժեք» պահանջը։ Մնացած անհամապատասխանությունները շտկել է։ Հանձնաժողովը հիմք ընդունելով Գարգի 42-րդ կետը, 14.06.2021թ. մերժել է «Տեքստուրլը» ՄՊԸ-ի հայտը։

• Բողոքի իրավական հիմքերը և հիմնավորումները

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, **թափանցիկ**, համաչափ, **հրապարակային** և ոչ խտրական հիմունքներով կազմակերպում.

2) պայմանագրի կնքման նպատակով **մասնակիցների շրջանակի ընդլայնում և նրանց միջև մրցակցության խթանում**։

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, **ունի գնման գործընթացին մասնակցելու հավասար իրավունք**։

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Տեքստուրլը» ՄՊԸ-ն Ընթացակարգի ոչ թափանցիկ, որ հրապարակային լինելու հետևանքով գրկվել է իր մասնակցության իրավունքից լիարժեք

օգտվելու հնարավորությունից:

Մասնավորապես՝ Օրենքի 33-րդ հոդվածի 8-րդ մասի համաձայն՝ հայտերի բացման նիստի օրվա ավարտին հաջորդող առաջին աշխատանքային օրը հայտերի բացման նիստի արձանագրությունը հրապարակվում է տեղեկագրում:

Օրենքի 34-րդ հոդվածի 9-րդ մասի համաձայն՝ Հայտերի գնահատման նիստի ավարտին հաջորդող առաջին աշխատանքային օրը նիստի արձանագրությունը հրապարակվում է տեղեկագրում: Պետական գաղտնիք պարունակող գնումների կատարման դեպքում սույն մասով նախատեսված արձանագրությունը հայտերի բացման նիստի ավարտին հաջորդող առաջին աշխատանքային օրն ուղարկվում է հայտեր ներկայացրած բոլոր մասնակիցներին:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում հետևյալ հանգամանքների վրա.

Նախ, ուսումնասիրվել է Ընթացակարգի հրավերը, որի համաձայն հայտերի բացման ժամկետ է սահմանվել՝ 2021թ. մայիսի 27-ին, ժամը 11:00-ին, սակայն Ընթացակարգի գնահատող հանձնաժողովի կողմից մինչև 18.06.2021թ. որևէ արձանագրություն չի հրապարակվել www.gnumner.am համացանցային հայքում:

Վերը նշվածով Ընթացակարգի գնահատող հանձնաժողովը խախտել է գնումների մասի ՀՀ օրենսդրությամբ սահմանված պահանջները, այն է՝ Օրենքի 33-րդ հոդվածի 8-րդ մասի և 34-րդ հոդվածի 9-րդ մասերի պահանջները:

Բացի այդ, Ընկերությունը շտկման ծանուցում չի ստացել, այլ ընդամենը միայն հայտերը բացելուց հետո գրեթե 10 օր անց, այսինքն 07.06.2021թ., ստացել է էլեկտրոնային նամակ, որում ազատ ոճով նշվել է հետևյալը.

«Հայտնում ենք Ձեզ, որ ՀՀ ՊՆ կարիքների համար անհրաժեշտ ապրանքների ձեռքբերման նպատակով հայտարարված «ՀՀ ՊՆ-ԲՄԱՊԶԲ-21-7/8» ծածկագրով ընթացակարգին Ձեր կողմից ներկայացված հայտում առկա են անհամապատասխանություններ, մասնավորապես՝

- Հավելված 1.1-ի 3-րդ չափաբաժնի տեխնիկական բնութագրում նշված է՝ «Արտադրված է՝ համաձայն 8789-008-62963111-2010 տեխնիկական պայմանի կամ ոչ պակաս համարժեք», «Վրանի ներքին պաստառը (նամյոտը) արտադրված է՝ համաձայն 29298-2005 ԳՕՍՍ-ի, մարմնահագի և անկողնային սպիտակեղենի համար օգտագործվող գործվածքից (սպիտակ բյազից (արտիկուլ 224 կամ համարժեք)), մակերեսային խտությունը՝ 138-150գր/մ2 կամ համարժեք», «Վրանի կախովի տաքացնող պատերը արտադրված են հրակայուն նյութով ներծծմամբ կոշտ ֆլանելի գործվածքից (արտիկուլ 6746 կամ համարժեք), մակերեսային խտությունը՝ 300գր/մ2 կամ համարժեք»: Ձեր կողմից պետք է ներկայացվի կամ հրավերի

տեխնիկական բնութագրով սահմանված պահանջը կամ այլ պահանջ, առանց կամ համարժեքի:

Բացի այդ Ձեր կողմից չի նշվել՝ Արտաքին տեսքը պարբերության մեջ ներառված «Դռներից մեկի կողային եզրին մշակված են 4 հատ արհեստական մանրաթելից գործված օղակներ, իսկ մյուսի եզրին՝ գրեթե վերջամասում 4 հատ կոճգամներ, դռները ամրացնելու համար» դրույթը:

Ելնելով վերոգրյալից և հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը՝ գնահատող հանձնաժողովը մեկ աշխատանքային օրով կասեցրել է հայտերի գնահատման նիստը:

Անհրաժեշտ է սույն ծանուցումը ստանալուց հետո սահմանված կարգով մեկ աշխատանքային օրվա ընթացքում շտկել անհամապատասխանությունները:

Շտկված տարբերակը անհրաժեշտ է ուղարկել էլ.փոստ՝ a.grigoryan@mil.am հասցեով:

Վերը նշվածով Ընթացակարգի գնահատող հանձնաժողովը խախտել է գնումների մասի ՀՀ օրենսդրությամբ սահմանված պահանջները, այն է՝ Օրենքի 33-րդ հոդվածի 8-րդ մասի և 34-րդ հոդվածի 9-րդ մասերի պահանջները, որոնք հանգեցրել են Օրենքի 3-րդ հոդվածի 2-րդ մասով սահմանված գնման գործընթացի թափանցիկ և հրապարակային հիմունքներով կազմակերպման սկզբունքի խախտմանը, և «Տեքստուրլը» ՍՊԸ-ին զրկվել է իր մասնակցության իրավունքից լիարժեք օգտվելու հնարավորությունից:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...:

Ելնելով վերոգրյալից՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՄ՝

1. Պարտավորեցնել «ՀՀ ՊՆ-ԲՄԱՊՁԲ-21-7/8» ծածկագրով բաց մրցույթի գնահատող հանձնաժողովին դադարեցնել «Տեքստուրլը» ՍՊԸ-ի հայտը մերժելու մասին որոշումը:

2. Պարտավորեցնել «ՀՀ ՊՆ-ԲՄԱՊՁԲ-21-7/8» ծածկագրով բաց մրցույթի գնահատող

հանձնաժողովին դադարեցնել պայմանագիր կնքելու մասին որոշումը՝ 3-րդ չափաբաժնի մասով:

3. Պարտավորեցնել «ՀՀ ՊՆ-ԲՄԱՊԶԲ-21-7/8» ծածկագրով բաց մրցույթի գնահատող հանձնաժողովին 18.06.2021թ. հրապարակված արձանագրության հիման վրա «Տեքսուորլդ» ՍՊԸ-ից Կարգի 41-րդ կետով սահմանված կարգով պահանջել կատարել շտկում:

Կից ներկայացվում է՝

1. Պետական տուրքի վճարման անդորրագիրը:
2. «Տեքսուորլդ» ՍՊԸ-ի տնօրեն Լ.Հարոյանի անձը հաստատող փաստաթղթի պատճեն:
3. Արտատպում www.gnumner.am կայքից:

Առդիր՝ 3 թերթ:

Հարգանքով՝

«Տեքսուորլդ» ՍՊԸ-ի տնօրեն



Լ.Հարոյան

25.06.2021թ.